

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
TUŽILAŠTVO SREDNJOBOSANSKOG KANTONA
Broj: T06 0 KT 0029212 25 2
Travnik, 17.06.2025.godine

OPĆINSKOM SUDU U JAJCU

Na temelju odredbe članka 45 st. 2 točka i) i članka 241 st. 1 Zakona o kaznenom postupku Federacije Bosne i Hercegovine, podižem

OPTUŽNICU

Potvrđena dana 30.07.2025. godine.

Protiv:
Zaim Topalović

Što je:

Dana 10.07.2015.godine, u svojstvu službene osobe kao notar sa službenim sjedištem na adresi ***, općina Jajce, postupio suprotno odredbi članka 95. Zakona o notarima F BiH koja odredba propisuje da notar može potvrditi da je stranka u njegovoj prisutnosti vlastoručno potpisala pismeno, ili svoj potpis na njega stavila, ili da je potpis koji je već na pismenu pred njim priznala kao svoj, kao i ako ovjerava potpis osoba kao zastupnika pravne osobe notar može u ovjeri potvrditi da se ta osoba potpisala za pravnu osobu samo ako je notar prethodno utvrdio da je ta osoba ovlaštena to učiniti i potvrdio notarskom ovjerom da su u njegovoj notarskoj kancelariji ugovorne stranke A. Š. kao prenosilac i D. K. kao sticalac priznale kao svoje potpise na Ugovoru o vraćanju (prenosu) članskog udjela zbog nemogućnosti izvršenja Ugovora o prenosu udjela u društvu br. *** od 16.04.2013. godine, koji ugovor je ovjerio kao notar pod brojem *** od 10.07.2015.godine i na Sporazumu o prestanku Ugovora o prenosu udjela broj *** od 10.07.2015.godine koji ugovor je zaključen između D.K. kao preosioca i A.Š.kao sticaoca, koji ugovor je ovjerio pod brojem *** od 10.07.2015.godine, iako navedene stranke nisu pristupile u njegov ured kako bi izvršile ovjeru potpisa na gore navedenom ugovoru i sporazumu, svjestan da vršeći ovjeru potpisa na navedenom Ugovoru i sporazumu bez prisustva ugovornih stranaka kao i bez utvrđivanja ko je stvarni potpisnik navedenog ugovora i sporazuma što je i htio

Dakle kao službena osoba u Fedraciji svojim službenim pečatom ovjerio poslovnu ispravu sa neistinitim sadržajem

čime je počinio kazneno djelo krivotvorenje službene isprave iz člana 389. stav 1 KZ F BiH.

Na osnovu člana 71 stav 1 točka c) KZ F BiH u vezi sa članom 76 stav 1 KZ F BiH predlaže se da se notaru Zaimu Topaloviću izrekne sigurnosna mjera zabrane obavljanja poziva,

aktivnosti ili funkcije, zbog postojanja opasnosti da bi takvo obavljanje moglo poticajno djelovati na počinjenje novog djela vezanog za poziv notara.

Kantonalna tužiteljica

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom